



# Službeni glasnik OPĆINE OLOVO

Godina XIX

Broj: 3 (vanredno izdanje)

Olovo, 09.03.2015.g.

Na osnovu člana 29. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), člana 42. Statuta Općine Olovo („Službeni glasnik Općine Olovo“, broj 2/07 i 4/08), člana 33. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, broj: 39/03 i 22/06), a u vezi sa nastalom situacijom velike količine snjega na području općine Olovo, Općinski načelnik, **d o n o s i**:

## **O D L U K U**

### **O PROGLAŠENJU STANJA PRIRODNE NESREĆE NA PODRUČJU OPĆINE OLOVO UZROKOVANE SNJEŽNIM PADAVINAMA**

#### **Član 1.**

Proglašava se stanje prirodne i druge nesreće na području cijele općine Olovo uzrokovane snježnim padavinama od 06.03.2015. godine od 08,00 sati do daljnjeg.

#### **Član 2.**

Zbog intenzivnih snježnih padavina u posljednjih 8 sati (+ 60 cm) koje su izazvale prekid saobraćaja na svim lokalnim putevima, prekid u napajanju cijele općine električnom energijom i najava meteoroloških službi o nastavku intenzivnih snježnih padavina u naredna tri dana odlučeno je kao u Članu 1.

#### **Član 3.**

Na smanjenju opasnosti i otklanjanju posljedica nastalih usljed pojave snježnih padavina angažovat će se redovne snage koje imaju potpisane ugovore za zimsko održavanje puteva JKP „Bioštica“ Olovo koje je obavezno pojačati svoje snage ljudstvom mašinama i dodatne snage koje će angažovati OŠCZ po potrebi na osnovu naredbi ili dobrovoljno.

#### **Član 4.**

- Zadužuje se Općinska služba civilne zaštite da koordinira i rukovodi akcijama zaštite i spašavanja. Za sprovođenje ovih mjera zadužuje se Avdo Degirmendžić Načelnik štaba.
- Sva pravna lica sa područja općine i građani dužni su poduzimati mjere na zaštiti svoje imovine od snjega, a i da u okviru svog djelokruga rada pruže dodatnu pomoć u cilju normalizacije stanja.

#### **Član 5.**

Obavezuju se rukovodioci organa uprave i javnih ustanova, kao i rukovodioci pravnih lica da osiguraju provođenje naredbi OŠCZ Olovo (pružanjem pomoći i podrške u logističkim i komunalnim potrebama, evakuaciji, zbrinjavanju ugroženog stanovništva i materijalnih dobara, snabdijevanju stanovništva živežnim namirnicama, higijenskim potrebštinama, te medicinskim zbrinjavanjem povrijeđenih i oboljelih stanovnika).

### **Član 6.**

Za angažovanje snaga koristi će se redovna sredstva koja su planirana u Budžetu Općine Olovo na kodu 614241 Transfer za ostale namjene-elementarne nepogode i dodatna sredstva u skladu sa Odlukom o načinu korištenja sredstava posebne naknade („Službene novine Federacije BiH“ broj: 2/12). Isplata će se vršiti po donešenim naredbama i nalogima, a prema fakturama izvršenih radova ili prema potrošnji goriva koje će se obezbjediti putem Službe za ekonomske poslove Općine Olovo. Ukoliko sva ova sredstva ne budu dovoljna tražit će se pomoć u novčanim sredstvima od viših nivoa vlasti.

### **Član 7.**

Ova Odluka traje dok postoji potreba provođenja mjera zaštite i spašavanja.

### **Član 8.**

Sve što nije regulisano ovom Odlukom, biće regulisano naredbom Općinskog štaba civilne zaštite koja mora biti u skladu sa ovom Odlukom.

### **Član 9.**

Ova Odluka stupa na snagu danom donošenja i bit će objavljena u „Službenom glasniku Općine Olovo“ i putem raspoloživih medija.

Broj: 02-44-4-422/15

Datum: 06.03.2015. godine

#### **DOSTAVLJENO:**

1. Svim mjesnim zajednicama 15x,
2. Direktorima škola i JU 3x,
3. PU Olovo
4. KUCZ,
5. JU „Centar za kulturu i informisanje“,
6. Općinskim službama 3x,
7. Općinskom štabu CZ,
8. „Službeni glasnik Općine Olovo“,
9. a/a

#### **OPĆINSKI NAČELNIK**

**Memagić Đemal, s.r.**

Na osnovu člana 29. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), člana 42. Statuta Općine Olovo („Službeni glasnik Općine Olovo“, broj 2/07 i 4/08), člana 33. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, broj: 39/03 i 22/06), a u vezi sa nastalom situacijom usljed velikih snježnih padavina, Općinski načelnik, **d o n o s i**:

**O D L U K U**  
**O PRESTANKU STANJA PRIRODNE NESREĆE**  
**NA PODRUČJU OPĆINE OLOVO**  
**UZROKOVANE VELIKIM SNJEŽNIM PADAVINAMA I NISKIM TEMPERATURAMA**

**Član 1.**

Ovom odlukom prestaje stanje prirodne i druge nesreće na području općine Olovo uzrokovane velikim snježnim padavinama od 09.03.2015. godine u 10,00 sati.

**Član 2.**

Na smanjenju opasnosti i otklanjanju posljedica nastalih usljed velikih snježnih padavina od 06.03.2015 godine angažovanjem redovnih i dodatnih snaga pročišćeni su: put M-18, svi regionalni putni pravci, svi lokalni putevi I prioriteta i lokalnih puteva II prioriteta. Veći dio općine dobio je redovno snadbijevanje električnom energijom. Na osnovu stanja na putevima i meteoroloških prognoza koje predviđaju prestanak snježnih padavina i porast temperatura stekli su se uslovi za donošenje ove Odluke.

**Član 3.**

Zadužuje se Općinska služba civilne zaštite da nastavi sa radovima na sagledavanju posljedica prirodne nesreće te sastavi izvještaj o aktivnostima štaba koje su izvršene u toku rukovođenja akcijama zaštite i spašavanja uzrokovane velikim snježnim padavinama, provede i ostale aktivnosti po osnovu Zakona o zaštiti i spašavanju ljudi i materijalnih dobara od prirodnih i drugih nesreća.

**Član 4.**

Za angažovanje snaga na poslovima čišćenja snijega korist će se novčana sredstva koja će se obezbijediti putem Službe za ekonomske poslove.

**Član 5.**

Ova Odluka stupa na snagu danom donošenja i bit će objavljena u „Službenom glasniku Općine Olovo“ i putem raspoloživih medija.

Broj: 02-44-4-444/15

Datum: 09.03.2015. godine.

**DOSTAVLJENO:**

1. Svim mjesnim zajednicama 15x,
2. Direktorima škola i JU 3x,
3. PU Olovo
4. KUCZ,
5. JU „Centar za kulturu i informisanje“,
6. Općinskim službama 3x,
7. Općinskom štabu CZ,
8. „Službeni glasnik Općine Olovo“,
9. a/a

**OPĆINSKI NAČELNIK**

**Memagić Đemal, s.r.**

## S A D R Ź A J

### Strana

1. Odluka o proglašenju stanja prirodne nesreće na području općine Olovo uzrokovane snježnim padavinam .....1
2. Odluka o prestanku stanja prirodne nesreće na području općine Olovo uzrokovana velikim snježnim padavinama i niskim temperaturama ....3

Ovaj Službeni glasnik istaknut je na oglasnoj tabli  
Općine Olovo dana 09.03.2015.godine

Ovjerava:

SEKRETAR  
OPĆINSKOG VIJEĆA

Zijad Karić, dipl. pravnik